

Koscielicki Janusz, Polon. Sord.

Kuchleri Jacobi. Epicedion  
in funere Januic a Kosciaie  
les-

Witebergae. 1565.

PANEG. et VITAE

Polon.

N<sup>o</sup>. 408.





5328

SIMELIA

.. Bu. 5328

34- IV- 42.



EPICEDION  
IN FVNERE ILLVSTRIS  
ET MAGNIFICI DOMINI D. IANV.  
SII à KOSCZIELECZ Palatini Stradiensis  
Maioris Poloniae generalis, Naclensisq. Capitanei,  
Qui obiit Posnaniae 8. Decembris, Anno  
1564. Scriptum Posnaniae

IACOBO KVCHLERO  
Hirsbergensi Silesio.



WITEBERGÆ EXCVSVM  
A LAURENTIO  
Schwenck.

ANNO M. D. LXV.



**AD ILLVS: ET MAGNIF: DOMI: D.**

IANVSIVM à KOSCZIELIECZ AVVNCVLVM  
sum dilectissimum pie in Christo defunctum ALBERTVS  
KOMIENIECZKY à Camieniecz.

**E**Rgône mors rapuit te dilectissime nobis,  
Abstulit insignem Parca seuera uirum?  
Prestanem pietate uirum, meritisq; potentem,  
Tota tuam sensit Sarmatis ora fidem.  
Nos te igitur mœsto sublatum corde dolemus,  
Perpetuò nobis patris amande loco.  
At tuus ante Deum nunc Spiritus æthere uiuit,  
Nominis & superest inclyta fama tui.

IOHANNES KAMIENIECZKY  
à Camieniecz.

**T**E nobis fato lugemus auuncule raptum,  
In nos cuius erat uera paterna fides.  
Quem pia POSNA dolet, Siradia, Sarmatis ora,  
Ipse etiam AVGVSTVS regia sceptra tenens.  
Sed licet extinctum sit corpus, at æthere uiuit  
Salua tamen merito mens pie CHRISTE tuo.

RESPONSIO D. IANVSII à KOSCZIELECZ &c.  
Scripta à M. MARTINO HENRICO.

**S**istite uos pueri lacrymas, deponite luctum,  
Vita mihi CHRISTVS, mors mihi dulce luctū.  
Illius, ablutus uicijs, nunc sanguine uiuo,  
Illius estq; mihi morte redempta salus.  
At uobis fratrum non deerit cura meorum,  
Qui me protexit, uos teget ipse Deus.  
Cum membra in uitam sonitu reuocata resurgent,  
Et uiuent animæ corpora iuncta suæ.  
Tunc uos aspiciam rursus, tunc alloquar ultro,  
Dulcis & amplexus tunc mihi uester erit.  
Tunc uno æternum celebrabimus ore parentem,  
Tunc Deus in Sanctis omnibus unus erit.  
Felix ô nimium felix, qui sanguine CHRISTI  
Fata subit, uiuens non dubitante fide.



# EPICEDION.

**T**Riste leues Elegi nobis modo pangite carmen,  
 Flebile vos meritò nomen habere decet.  
 Inq̃ meo mæsto lugubria nectite verba  
 Carmine, sint lacrymæ quod fuit ante Melos.  
 Vos etiam Musæ viridem modò ponite laurum,  
 Lugentes etenim non decet iste color.  
 Cingite ferali funebria iusta Cupresso,  
 Testetur luctum vestis & atra grauem.  
 Cur ita? quæ luctus tanti quæ causa doloris?  
 Mæstitiæ quid vos edere signa monet?  
 Occidit heu nimium fato præreptus acerbo  
 Heros, Sarmatici gloria magna soli,  
 Eximia præstans virtute IANVSIVS Heros,  
 Maxima KOSLETIÆ lausq̃ decusq̃ domus.  
 Quo rectore fuit Respublica nostra beata,  
 Quo sublato eadem non leue vulnus habet.  
 Namq̃ fuit patriæ semper studiosus honoris,  
 Urbane custos vtilitatis erat.  
 Hunc sibi Sarmatiæ Regnum deplorat ademptum,  
 Cuius erat viuens non mediocre decus.  
 Signa dat Augustus quoq̃ Rex manifesta doloris,  
 Extinctum talem quàm gemit ille virum?  
 Hunc procures lugent, tota cum plebe Senatus,  
 Atq̃ omnes clara nobilitate viri.  
 Hunc dolet abreptum mæsto SIRADIA vultu,  
 Vsa Palatino quo fuit ipsa pio.



Quid referam, quantum POSNANIA clara dolorem  
Testetur, quoniam perdidit orba patrem.  
Illi cura fuit ciues ac iura tueri,  
Rebus & afflictis ferre salutis opem.  
Deniq; cunctorum sunt pectora plena dolore,  
Extinctum hunc omnes corde dolente gemunt.  
Et meritò, quis enim tristem cohibere dolorem  
Pectore? quis lacrymas continuisse queat?  
Quando obiit patriæ spes altera, prima Senatus  
Gloria, Sarmatici maxima fama soli:  
In quem tot dotes natura benigna locauit,  
Quas Elegis possum vix memorare meis.  
Vix alius patriæ quisquam studiosior illo,  
Aut maior meritis aut pietate fuit.  
Quid genus Heròis, clarum quid nomen auorum?  
Quidq; domus veteris nobile stemma canam?  
Inter Sarmaticos procures Regniq; Senatum  
Non is postrema parte locandus erat.  
Nam fuit eloquio nulli, ingenioq; secundus,  
Nemo, hunc consilio qui superaret, erat.  
Ille bonas artes primis percepit ab annis,  
Excoluit studiis pectus & vsq; bonis.  
Hinc illi accreuit prudentia maxima rerum,  
Iudicio fuit hinc consilioq; potens.  
Illius eximiam meruit facundia laudem,  
Res ubi erat claros inter agenda viros.  
Hunc igitur summo Rex est dignatus amore,  
Et sua virtuti præmia digna dedit.

Namq;



Namq; Palatini cupiens hunc munere fungi,  
 Nobilibus iussit reddere iura viris.  
 Commisitq; illi tractanda negotia Regni,  
 Hic ubi Posnanos Varta pererrat agros,  
 Sarmatiae partem rexit, quae maior habetur,  
 Regis ubi gessit non sine laude vices.  
 Iusticiae quia erat mirè studiosus & equi,  
 Servauitq; bona publica iura fide.  
 Dumq; Magistratum gereret, bona multa peregit,  
 Ingenio, eloquio, consilioq; potens.  
 Ornauit summa Regni virtute Senatum,  
 Causarum molem sustinuitq; grauem.  
 Publica priuatis bona praeposuisse solebat,  
 Se propria haud passus commoditate trahi.  
 Non illum instabiles placantia munera sensus,  
 Gratia non animos impulit vlla graues.  
 Non fauor aut odium nocuit, vel profuit vlli,  
 Si qua fuit iusto lis dirimenda viro.  
 Ille grauis scelerum vindex punire solebat  
 Sontes, ille bonis praemia iusta dabat.  
 Non rigidus, non ore minax, sed mitis in omnes,  
 Ingenio & pacem semper amante fuit.  
 Quid memorem egregios generoso in pectore motus?  
 Quae fuerit mentis dexteritasq; pia?  
 Ille suos mores magna grauitate regebat,  
 Tota carens illi crimine vita fuit.  
 Sobria laudat & transegit tempora vita,  
 Servauit casti foedera sancta thori.



Præcipueq; Deum sincera mente colebat,  
Illius & verbi perstudiosus erat.  
Quidquid & ad Christi laudem spectare putabat,  
Effectum summa sedulitate dedit.  
Quid loquar, ingenuas quo pectore fouerit artes?  
Quæ fuerit doctos cura iuuare viros?  
Mente etiam prompta benè subueniebat egenis,  
Pauperibus larga præbuit æra manu.  
Perpetuæ his factis peperit sibi laudis honorem,  
Illius hinc semper fama superstes erit.  
Has animi ob dotes, præclaræ & munera vitæ,  
Nestoreos annos viuere dignus erat.  
O vtinam tales Regno contingat habere  
Heroas, felix terq; quaterq; foret.  
Iure beata etenim dici Respublica debet,  
Quæ tam præstantes gaudet habere viros.  
Talis & hic tantus, quid ni doleatur ademptus?  
Non fleat orbata hoc Sarmatis ora viro?  
Quid lacrymæ prosunt? stultum est sine fine dolere?  
Inuida nemo hominum flectere fata potest.  
Nascimur & mortis subiecti legibus omnes  
Viuius, incerta est hora diesq; necis.  
Nostra Dei in manibus sunt omnia tempora vitæ,  
Illius arbitrio vita stat atq; cadit.  
Ergo Dei quoniam fuit hæc quoq; sancta voluntas,  
Mortali ex vita tollere tale decus:  
Sit modus in lacrymis, cum luctu vincere nemo  
Fata queat, fieri hoc nam iubet ipse Deus.

Quin



Quin illi vitam gratemur corde beatam,  
 Durat in æternos quæ sine fine dies.  
 Nun: ubi CHRISTE tua preciosa morte redemptus  
 Conspectu fruitur lætitiâq. DEI.  
 Mens procul à mundo, mortali carne soluta,  
 Molliæ perpetuæ tempora pacis agit.  
 At tuba dum sonitu diuina resuscitet omnes,  
 In terris placidè corpus inane cubat.

FINIS.



EPITAPHIUM  
 EIVSDEM.

Quisquis ad hæc structi venies monumenta sepulchri,  
 Siste parum, ut tumulo verba notata legas.  
 Mole sub hac recubat præstans IANVSIVS Heros,  
 Maxima KOSLETIÆ fama decusq. domus.

Sarma.











5 Ad. full/hatched.

84. 1V. 38. 42

1 star. full/hatched. 1 star. 200

6 Ad. in summer full/hatched

Ad. full/hatched. 34. 11. 17. 18

Ad. full/hatched. 34. 11. 17. 18

Ad. full/hatched. 34. 11. 17. 18

Ad. full/hatched. 34. 11. 17. 18

Ad. full/hatched. 34. 11. 17. 18



6

3



